

雪蕉坐詩鈔

受業翁錫磨
題簽



雪蕉齋詩鈔

黃體芳署檢



光緒庚子
孟夏
夏
孟夏
孟夏
版

序

王子廷諤永嘉名諸生也攜其所梓先德仲蘭先生雪蕉齋詩鈔亡兄肖蘭留硯山房詩稿過余廝廬見贈屬爲之序余與廷諤素未謀面而廷諤禮甚恭意甚摯一日之間來請者再余旣重違其志因爲展誦一過不禁深有憾也嗟乎自古富貴而名磨滅何可勝道其身沒而名不與俱沒者惟有道德及能文章之士耳仲蘭先生以一窶儒遭時多艱奔走南北發其困頓抑塞羈愁無聊之氣一寓於詩故其爲詩富而尤工肖蘭弱冠卽膺心疾劇時每不知人事獨能攻苦作詩至於濂徧牆壁其於文字之緣殆有

雪蕉齋詩鈔

序

一

隨與俱來而自致於不終淹沒者與廷諤不遑他務日以表章父兄文字爲志旣付之剞劂又廣求夫流傳之道此其用心之摯余雖未與相見猶將稱述其事以爲有志先人手澤者勸况其禮意又如此勤乎公餘將歸遂書數語以貽之

皆

光緒甲辰十月

鎮海鄭傳笈雲仲甫撰于東甌廬

題詞

王君仲蘭累代好學一門能詩思淨冰心語穿月脅宿豔
在骨飛采滿毫胡乃文富道窮才通運厄句傳柳絮空傷
菱鏡難圓庭茁芝蘭又惜蓉城早召窮愁沒世淹蹇終身
天虐詩人古今一例言念及此豈不恨恨近哲嗣朝端已
將遺稿合刻孫君仲容餉我一編因得窺其全豹風霜挾
字蛟龍入懷錦粲珠零文采皆霸矣孫君書至問序於余
自慚案牘勞形學殖荒落一行作吏此調不彈况將移守
睦州載謫行路筆重於鐵心亂如麻雖傾佳章實乏鴻構
既承雅令勉賦題辭並贅數言用博一粲藉以塞責聊當
雪蕉齋詩鈔

題詞

一

弁言

獨峙甌江畔中東秀出塵其間有佳士論世半詩人室小
藏書富心清得句真一編輯川集合我數家珍

強我序君詩我知人共知等閒難落筆此道本如棋畫意
王摩詰風情杜牧之無瑕一片玉玷及笑蠅癡

一室樂陶陶耽吟興盡豪梅花諧伉儷鶴子和推敲木落
風聲靜天空月影高幾回咀嚼處如飲碧葡萄

慷慨復和平清新協鳳鳴金湯爭一字翰墨契三生雪月
風花主英雄兒女情慚非皇甫謐恐掩太冲名

歲在闕逢執徐陽月朔日 鹿邑王琛雪翁甫初稿

跋

予壯歲始識永嘉王茂才仲蘭每至郡輒承過訪然未嘗爲予言詩予亦不知其能詩也今年秋初詰嗣朝瑞柱顧攜其遺著數冊見示則固哀然成集矣吾鄉乾淳諸老文詞之美冠乎浙河東西如忠簡許公文憲薛公文節陳公文懿蔡公無不博極羣書又以科第仕宦多見一時賢士大夫故其所作類皆瑰璋奇麗抗乎古人其後四靈八俊接踵代興惟務抒寫性靈遂爲晚宋江湖一派而其苦思精詣亦有人所不能及者此永嘉之學所以獨爲永嘉之文也元明以來作者寥寥至本朝二百餘年則幾乎聲響滅熄矣水心嘗云士人來不過言破題工拙場屋利害而已此其所以不能方軌前賢也歟仲蘭未離場屋而有志於古之作者至其論詩數卷則又能蒐羅放軼表著幽潛其用心蓋異於人矣朝瑞英年秀穎能世其家則斯二集者固王氏青箱之業亟宜刊而傳之不使乾淳諸君子耑美於數百年前誠予之厚望也哉

時

光緒己丑

瑞安愚弟 孫衣言拜跋

王仲蘭先生墓誌銘

瑞安池源瀚仲鱗撰

天下豪傑有志之士懷其嶽竒磊落之材思得當以爲世用不幸跽伏里閭無所措施而目擊時艱關心民瘼不得已寄之文字託之詩歌以少抒其愛國憂民之念雖至抵觸忌諱橫遭禍患曾不少自顧惜此其氣節才抱之過人固遠非庸懦畏惠之輩所可等視而或者不察乃僅僅以詩人目之此真足短志士仁人之氣者矣源瀚自少時輒聞永嘉王仲蘭先生善詩爲吾鄉孫太僕公所稱許其後屢求先生遺集竟不可得今歲春間授經郡校從楊困處

墓誌

一

士得讀先生遺詩甚夥並得猶聞先生品學概畧乃知先生固負經世之具遭時不偶抑鬱長終僅以能詩名非先生之志也先生之外孫吳君競與源瀚交有年知源瀚雅

慕先生乃偕先生哲嗣廷諤造訪寓廬以先生大集見示

并以狀乞銘其詞甚恭且摯源瀚因不得以不文辭遂撮

其大較而書之先生姓王氏諱德馨字玉才號仲蘭居永

嘉縣鷹符鄉上田莊其先蓋自二都英橋遷居迄先生已

七世矣先世多隱德弗曜至先生始以讀書起家道光戊

戌學使者廖尙書按郡先生以詞賦爲尙書激賞補縣學

生天性孝友父聯階公患痺沈委牀箠者八年先生晝夜

扶持未嘗離左右道光乙巳疾益劇先生籲天減算以益
父壽已而霍然迄咸豐甲寅始歿計時適符一紀人皆以
爲孝感所致也先生之兄孟棠公早卒猶子肖棠未成立
先生教誨之綦嚴比長授室猶爲之董理家政不以非已
出而歧視也先生性質慷慨喜豪飲慕任俠於地方利弊
尤所措意同治壬戌吾溫以遭粵匪之亂 詔豁丁糧縣
令郡守比而爲奸匿贍黃不宣督征益嚴先生作匿 旨
擅征揭深著官吏罔利病民之罪官民相抗者逾月守令
乃別假城捐名以括民貲民深以爲苦而無敢誰何先生
乃復擬元道州賊退示官吏詩屬同邑陳丹香茂才和作

墓誌

二

隱以託諷守合深銜之遂據他端逮陳下獄先生乃南走
閩坵入燕陳之當道久之獄始解聞關山海痕迹遼河五
載始歸鄉之人咸以此義之先生自幼喜爲詩授羅漢魏
樂府及唐宋元明以來諸名家別集數十百種覃心冥迫
獨有神會七應省試侂得復失獲落牢騷益肆意作爲歌
詩以攄意抱至大獄之興出關以後閱歷山川風景人情
土俗一一發之於詩而詩乃益工所著有雪蕉齋詩六卷
識字農詩話六卷雜著三卷平生手鈔詩文并經史無慮
二三百冊凡先生嗜學之勤大節所在可紀者如此嗟乎
詩二百篇大旨原於忠愛魏風碩鼠之章小雅大東之什

凡詩人所爲長言永歎作歌告哀者豈好爲是曉音瘖口爲哉誠以國敗官邪征輸無度詩人生逢其會不忍斯民之顛連困苦坐受荼毒於是剴切激昂譜諸歌謠以風當路要不外言者無罪聞者足戒之意此變風變雅之作哀怨所以獨多也自世道微而詩教壞文人學士喜爲風花綺麗之辭兒女纏綿之作藉口風騷託詞怨悱此風自唐已然李義山杜樊川溫飛卿最喜爲之末流所趨沿爲俗體數千百年詩人輩出求如杜少陵白樂天蘇子瞻陸務觀諸家之縱橫沈著忠憤填膺所謂詩中有人詩外有事者不少概見先生以一書生傷心時事獨能淋漓感激慷慨悲歌雖與不肖守令多番齟齬禍幾不測而先生不稍自默必欲激烈陳詞吐其胸中所欲言者而後止而利害死生直置不問此豈尋常吟風哦月追唐摹宋自命詩人輩胸臆中所有事哉惜乎手無斧柯所志不遂卒爲不肖守令摧抑以去此豈非吾民之不幸耶此尤非先生之隱憾耶雖然彼當日不肖守令得以磨牙奮爪攫噬民財挫折士氣者至今雖魂銷骨鑠而溫之父老子弟譚述往事者猶痛憤唾罵視之如狗彘之不若而先生之名節風義則固已垂之鄉邦永永不朽此源瀚所以樂爲縱筆書之以爲世之爲猾吏者警而爲義士者奮也先生之生在嘉

慶二十四年十二月初五日其卒也在光緒十四年八月十五日春秋七十元配周孺人繼配葉孺人皆無出續配邵孺人雅嫻吟詠有針餘集殘稿生二子長朝清亦能詩有留硯山房遺草俱附先生集以傳後先生十年卒次廷諤邑庠生能以文學世其家女一適庠生吳肇基亦孺人出也孫男五鼎元國棨國桐國楨國桐孫女三長適陳閔慧次三俱未字其葬在邑之十三都竹畧山之原銘曰
我温僻左極海而東鎖港以前民智尤蒙官橫胥黠巧爲欺矇咸豐軍興十室九空
先皇曠典蠲賦

恩崇嗟彼墨吏罔恤民窮橫征苛括術毒計王小民有口

墓誌

四

孰白怨恫卓哉先生憤激五中南都防亂監門孤忠民氣以厲吏怨斯叢先生奮然不顧厥躬橫罹獄禍力抵官鋒其事足紀其名已隆耿耿寸臆永奠幽宮我昭以銘所論墓公千秋萬歲式此高風

雪蕉齋詩鈔目錄

卷一

古體詩

五十二首

卷二

近體詩

一百二十七首

卷三

近體詩

一百三十二首

卷四

近體詩

一百二十七首

補編

雪蕉齋詩鈔

目錄

近體詩

一百十五首

附

針餘集

共三十二首

留硯山房遺草

共一百三十二首

雪蕉齋詩鈔卷一

永嘉 仲蘭王德馨

古體

葆真

繁華流蕩伊於何底我有吾真葆之爲是衣冠優孟圖畫
臙脂本來面目而豈若斯彼嶺上松經霜愈勁問所由來
厥有本性

立品

羣芳競艷惟梅獨清衆禽啄腐惟鶴不爭人惟品高所立
卓爾面鐵有稜心冰無滓寄語少年莫誇爭要狗監功名
雪蕉齋詩鈔 卷一

昔人所笑

寡言

桃李無言而蹊自成璞玉無言其實莫名彼躁人者徒以
辭輕劍也藏鋒瓶且守口怪乃鼓鐘鳴不待扣不觀鸚鵡
囚籠已久

力行

談當世務箇箇捫蝨究其所行百不及一山簣易虧井泉
難及行百里者半皆九十猛着一鞭功成不日莫學晉人
清言誤國

懲忿

人心本平初如止水氣以激之波瀾乃起有時急發加矢於弦有時故匿蓄癰不宣一旦殺身辱親不悔比於荆舒不懲何待

節欲

耳目口鼻各有所司聲色臭味又隱與期此際稍縱危乎其危火坑燄燄尊海瀾瀾戒之戒之人鬼路岐要非黃老清淨無爲

省過

安得吾身繩趨軌步何縱此身一誤再誤惟省之深庶幾能悟清夜三更名香一炷心與竹虛操徵梅素一念之惺雪蕉齋詩鈔

卷一

二

道若大路

安貧

藜藿能充卽是膏粱繒絮可溫何必元黃彼求富者執鞭徒苦此送窮者結船奚取而況天道實忌滿盈退一步想何念不平

自章安歸舟中遇大雷雨

晚乘一葉舟飛渡豐湖北我心浩然歸舟行喜輕逸誰知天公心起事只頃刻忽然大風來舟行勢頓失欲進不得前欲住不得息電光倏飛來橫空一鞭勅疾雷不掩耳驚起一船色慌忙望前溪雨來已在卽風發何驟馳雨行隨

風疾初下如絲垂忽飄如矢直入船亂跳珠打篷密夏瑟
雨勢挾風橫風力併雨一擺撼孤舟孤舟乃太凌逼雲影
更幻奇低壓篷窻黑此時孤客心危坐深戰慄須臾雨腳
收前山餘落日高唱大江東煙波渺無極

題趙耕雲

秀章蘭竹畫卷

芳蘭懷素心修竹具高節問誰能畫之端推耕雲筆耕雲
者何人舊系出松雪兀傲一青衿屈志居巖穴餘事託丹
青游戲矜技絕當其落筆時神思最清越湘露摹體芳潤
風想操潔頰使尺絹中美人君子列能事傳一時見者讚
不輟人以畫重歟畫亦因人別其人卽此蘭不苟取人悅
雪蕉齋詩鈔卷一

三

獨處空谷中菲菲芳自烈其人卽此竹不肯因人熱雖值
歲寒時猗猗綠不歇

自述

人生只百年我今已廿五譬如人四肢今恰得一股遲遲
花放齊漸漸日交午讀書已十年伏案志亦苦所希搏扶
搖萬里看鵬舉如何博一衿夔屈守鄉土兀坐一室中英
雄無用武山深時閉關客來空揮塵身跡朝野間生涯市
井伍如此了一生草木將同腐雖爲儒者流百輩何足數
我願修初心勉旃期無侮差幸猶壯年萬事好彌補

再贈葉慧仙

菁菽

我友慧仙子意氣本豪舉當其興到時下筆挾風雨忽離
忽合何飄揚乍起乍落更飛舞九天仙樂奏雲璈十萬軍
聲振金鼓倏從天外一昂頭鞭笞六合空千古我初讀其
詩心竊有所疑疑是太行華嶽諸峯當空峙崢嶸突兀爭
險巖又疑長江大河奔流入滄海魚龍沙石隨飛馳誰知
乃是扶輿磅礴之氣所醞釀數千年始一發其奇使我
見之舌橋不得下目賊不得移平生奇氣嗒若喪俯首帖
耳神爲癡何意前年歲在丑忽枉琳瑯詩一首愛我解吟
詩居然稱詩友我初聆此言汗顏不敢受泰山河海不擇
細流與土壤如君氣量一何厚相交從此通以神不管顏
色殊好醜若謂中有文字因布鼓雷門我何有

雪蕉齋詩鈔

卷一

四

擬謝靈運登池上樓詩次原韻

幽人闕空谷吉士賡雅音時來信彰徹迹晦徒湮沈懷寶
難爲用陳力非所任勞勩困簿書游豫曠泉林卧疴幸已
間扶策聊登臨聆淵俯深湛眇岫仰崎嶇苔堦滋故翠柳
陌交新陰和風送遲晷芳樹鳴春禽頗念莊生言空懷梁
父吟物理欣在宥世慮淡無心迴車感前轍繕性希自今

雜感

人皆愁年荒年荒歲仍熟我獨愁學荒學荒補不足天功
易爲力人事苦相逐治心如治田種德如種穀美成貴在

久器大詎求速百年如許長立身恥視肉奈何春風中蔣
花取悅目

經書千萬言不外達道五得道成聖賢失道入臭腐理窟
在眼前不在海底取自古真大儒縫掖出鄒魯立教垂萬
世森然規與矩其言炳日星可以喻田父奈何務艱深談
元欲擬古將毋三代後狂瀾無神禹在漢得仲舒在唐得
韓愈經經守六經文字非小補

下士務舉業滿紙皆陳腐蟻聚復蜂屯參差將焉取豈知
四子書孔孟著言語或爲訓及門性理辨累黍或以聘王
侯閱歷半中土至今二千年誰爲談肺腑取用博科名揣
雪蕉齋詩鈔

卷一

五

摩守墨譜徒令昌黎慚罔思歐陽古塗抹時世粧有人稱
媚嫵

十五夜同內子看月

天上明月何團圓人間夫婦何因緣我欲搔首問青天
復何言天茫然始知此意天難傳任人領取毋棄捐我且
一笑拍婦肩竭來攜手巡茅檐同看明月青天邊人生行
樂須少年沽酒肯說囊無錢儒家戒飲雖云賢百年歲月
終虛延何如醉倒舞僊僊萬象在旁無猜嫌詩興飛來白
雲巔掃却塵緣幾萬千功名富貴皆毫纖身後何如事眼
前况有少婦風流偏眷屬頗似蘇子瞻由來風月惹人憐

今夕何夕汝知焉與汝同醉樂無厭仰天大笑眞狂顛笑
嫦娥是仙班聯如此良夜終孤眠

答人問親病

人生嘗寒暑病亦偶然處而何吾親衰八年病未愈此有
所由來念之淚如雨念親壯盛時艱難持門戶拙計食與
衣勞生士兼賈拚將心與力備嘗諸艱苦顧問此何爲到
頭爲兒女至今養子旣長成贏得一身瘦如許君不見樹
當結子餘枝葉委泥土鳥當啼兒餘秋風落毛羽欲知親
病何由生但看兒身健如虎

鶴骨簫歌

并序

雪蕉齋詩鈔

卷一

六

鶴骨簫鎮海金八姑死後遺其夫王鐵簫物也姑
工詩年十六適生伉儷甚篤生常游幕姑吟詩自
娛半皆思夫之作一日生之狎友鐵山戲姑姑怒
山懷憤思陷姑遂與生寵婢謀婢固素忌姑者山
使竊姑詩稿視之擇其中之深於情而無夫婦故
實者爲次韻互答仿某某質筆具款囑婢私置姑
密所姑不之覺迨生歸婢先誑言訢生生未信一
日偶啟冠盒得詩索姑稿情適合生怒詰姑姑無
以自明生執此訟於官出姑姑乃作詩繡旂六扇
約諸姊赴招寶神廟設供謂曰我將請於帝矣遂

躍入江死屍逆流而上七日面尙如生不數日山
與婢俱暴卒後生自寧海渡江歸見有巨艦旌旗
生以爲巡洋貴官將避之忽大風揭巨艦逼生船
艦中衛士呼生曰貴人請生恍惚間不覺身已過
船有紫衣女郎牽生入艙與貴人並坐生睨之乃
姑也生憶前事卽泣下姑亦泣姑曰非郎薄倖妾
之過也妾前身乃秦弄玉因被譴謫人間疇昔之
事亦前因也家世有鶴骨簫一枝贈郎爲信物郎
爲流傳人間三十年後吾繡旛當遭火劫此後人
天重會不知何年時嘉慶二十一年果於道光庚
子寺被倭寇焚旛亦燬簫至今存好事者徵詩海
內余亦艷其事作歌以記之

雪蕉齋詩鈔

卷一

七

憶昔秦時有弄玉引鳳吹簫曾學曲吹罷却隨鳳雙飛人
間共羨仙眷屬仙去而今年經幾鶴骨一枝瘦如許萼綠
爲有羊權緣二千餘年仍降此金家有女初長成仙骨珊
珊毋乃是年年鎮海江頭居娉娉婷婷十三餘幼承鍾郝
能爛禮兼識之無解讀書聰明只道夙根好誰識禍胎結
已早鐵簫系本瑯琊王乘鶴遺蹤來瑤島鴛鴦牒係何人
註三生石畔會相遇繫將絳紗武帝親得來玉杵裴航赴
一段姻緣亦孔嘉柳條瓜蔓樂無涯無奈暮婚晨告別匆

匆竟入暮蓮花是時姑年纔二八獨宿空閨看明月朝朝
暮暮望夫情相思瘦盡香桃骨一片山頭化石心綠窗寫
作斷腸吟年年花月春秋日盼斷鱗鴻絕少音別後小桃
留花久蝶戲蜂狂無不有何來佻闖一青衿曾是兒夫金
蘭友誤將冰雪宰相梅認作風流章臺柳血色羅裙肯自
污調之黃金視若無默守女箴笑語絕私把靈芸淚眼枯
不料狂且生變心殺人無端百計侵賣珠昨相逢侍婢營
營相誘似青蠅逕將床頭詞竊取平地風波從此陟仿作
紅蘅碧杜詞我歌子和幾十首韻腳尖叉字字符蠅頭具
欵書某某密置秘所人不知暗裏藏刀正此時待得秋胡

雪蕉齋詩鈔

卷一

八

千里至先教妬婢讒其私忽復得詩於其後詩中適合讒
言口無心檢得有心看一重疑案誰能剖勝結同心假而
真字織廻文是也否竟使徐娘寄外書如同韓壽偷香手
遽然反目訴琴堂掉頭不顧舊糟糠琵琶絃絕難再續團
扇詩好教將藏使君冬烘是頭腦自矜清淨漢廷老五花
判作生別離三字獄成斷舊好可憐畢世誤王嬙只消毛
君幾筆造塵世茫茫無大公誰將此案問蒼穹傷心妾意
向誰雪神廟還勞阿姊同作詩繡成幡六扇訴盡齊婦含
冤衷突然一躍入江去長江水作天動容七日曹娥屍不
壞逆流而上香隨風遺釵隻履落江底吞之不敢蛟與龍

是非既付流水去恩怨宜併浮雲空誰知死後心猶在情
衛銜寃填滄海龍舟鳳舸大江來綵仗霓旌排空待神光
離合恍忽間紫衣飄飄一小鬟邀郎相見毋驚愕猶是當
年碧玉顏自道人天久離索相思未把情拋却此身雖異
性猶存重談舊事淚雙落燒玉三日始見真鑄鐵六州不
成錯敢將薄倖怨十郎自古才人都命薄當前溫語話纏
綿還將家系叙約畧云妾本是秦氏女簫史相從此棲托
家世流傳一枝簫贈郎還訂三生諾後三十年劫火燒繡
簷遭劫竟難饒惟遺信物分明在依舊參差度碧霄至今
此簫人愛慕流傳情史當掌故若教吹向月明中定有音
雪蕉齋詩鈔

卷一

九

聲如泣訴

霍潦歎

雲滿川雨滿天野無黃稻屋無煙老農釋耒坐垂淚水浸
稻熟更可憐前年憂在旱澗深苦車短

俗名桔槔
曰水車

今則異

於昔地高愁水滿始知造物慣弄人顛倒其權互遷轉出
門試一望搖空生白浪不辨南北田高低但覺眼前平湖
曠野處家家宅欲浮陸行處處舟可盪分明自家膏腴田
變成滄海真非妄八口待炊奈米無米在水中苦熱湯

俗

白露霏雨
爲白露湯

幾回人攜腰鎌來望作菘葑彌惆悵坐見鷺鷥
入田飛爭啄敢與鸚鵡抗反笑魚鼈真咸若何幸得此生

池放可憐終歲胼胝勞只供此類十日餉畢竟莫測上天
心仁民不出愛物上嗟我方深稻梁謀生計艱難同一樣
若再秋收薄如斯明年應更難摒擋但願此後陽雨時晚
稻家家邀天貺

詠史

士爲知己死平生無三心豫讓果能此一節殊足欽如何
中行氏衆人待其臣顧心雖無二遇事實因循保邦於未
危陳力愧周任徒以死報主國士安足珍智伯待之過儼
亦未於倫卓哉趙襄子但嘉讓致身旣執仍復舍高義邁
古今持衣一任擊欲以成其仁擊罷伏劍死名成志亦伸
雪蕉齋詩鈔 卷一

十

是所欲殺讐實爲平生因識之非范淺愛之殊智深稱之
曰義士真論定其人

祖龍昔橫行六合渺一視虜旣及韓王兵且臨易水燕國
難圖存遑雪見凌恥侵地可反乎生劫誠難矣愚哉太子
丹而乃計出此不聽太傅謀徒求夫人七荆軻亦何爲許
身爲知己且有田先生斷頭激之起地圖聊鋪陳頭頭函姑
料理濟則君之靈不濟則以死一片報丹心亦不過如是
莫泥成敗觀張良差可擬要有公私分聶政那堪比奈何
載筆者盜名書諸史

從來功太高每易震人主况主心多疑焉能善爲處我觀

淮陰初事漢實心許武涉蒯通輩陳說俱見拒不然鼎足
三王齊可自取何待立假王乞漢猶首俯不料定趙還奪
符防其侮何圖滅楚歸襲軍翦其羽豈待大將心可懷此
城府致令居鞅鞅羞與噲等伍是直激淮陰漸以成跋扈
卒托雲夢游斬信假后呂可憐開國勲竟罹夷族禍其事
固由天蒼蒼偏不語

客有好說鬼者作詩正之

平生不讀非聖書時與流俗相齟齬有客偏從鬼國來急
打吾門聲氣麤解衣盤礴羸而坐亂發調言天花鋪析奇
別出幽明錄誌怪不數山海圖媿媿不倦忘夜半千奇萬
雪蕉齋詩鈔

卷一

十一

怪搜無餘鬼本無形人不見說來如見活眉鬚骷髏忽復
作人立陰氣拂拂來庭隅是時風雨夜深黑燈光如豆青
而孤座客聞之倏驚起搖頭咋舌相嗟吁就中信受誰最
真乾坤之大一腐儒吾聞其說曰否否持以正論糾其誣
大道自有六經在庸德只是五倫俱布帛菽粟爲聖言能
盡日用卽吾徒此種怪誕復何益追風捕影知有無鬼神
固宜敬而遠子所不語盍戒諸請君舍是用吾法豁然開
朗出迷途一時遊戲何足效恃才端不羨韓蘇出路何憂
遭戲弄吟詩豈慮受揶揄要知我自有我在縱有小醜何
忌乎

歲暮塾中將歸作

逐逐亦何爲終歲不得息出門謀脩脯屢虧人子職老父
病未愈骨瘦形日瘠風雪夜無人撫心益淒惻顯揚願已
虛定省事誰責欲養偏蹉跎冉冉短景迫雪竹得籬筍冰
魚出鮮鯽昔人有至性我獨無肝膈急歸供甘旨慎弗庭
聞隔

歲暮寫况呈廉訪慶雲浦廉夫子

昨夜北風起破屋聲蕭颯小子當此際窮愁殊無聊知我
者誰與惟有鮑叔交因理十年事重把孤燈挑憶昔我少
日我家頗豐饒自負英年志落落意氣驕十八舉茂才雲
路方揚鑣忽遭祝融厄做廬已成焦己亥家資身一枝筆
被火

雪蕉齋詩鈔

卷一

十一

立志萬里霄丈夫會變化終當有一朝何圖秋闈試三黜
柳下遭名誰羅隱識淚難劉蕡消坐使硯田間良苗變野

蒿况遇親老病藥味參苓調

家嚴自戊戌患
病八年未痊

又逢歲荒歉

禾黍秋風飄

癸卯八月
大風偃禾

謀生素性拙伯龍被鬼嘲人情冷

熱異翟公門蕭條自笑歲云暮空懸吟詩瓢賣文向錢虜
未語頭先搖臣朔飢欲死誰貸米長腰獨念我夫子慷慨
見風標杜陵開廣廈寒士久相邀我是袁安輩卧雪圖親
描封上梅花閣何遜須見招

守歲

一年三百六日日自消受何獨今宵中將去復援手但念

人生世百年亦是偶惟此功與名庶幾可不朽所以古志
士立事惟恐後苟能不負歲何妨聽他走不然將虛延於
歲亦何有蹉跎復蹉跎倏忽成白首此欲咎之歲歲恐不
任咎行者自然行守亦徒然守

過谷氏廢園有感

昨過谷氏園園荒已廢置敗垣一帶圍舊徑三條蔽古樹
空婆婆開花任委棄中有舊牡丹開在荒庭砌瓜蔓絡其
枝藤梢纏其蒂我手爲芟除花始出頭地因思此花身本
居王者位紫綬從帝加黃袍受天賜金帶如芍藥尙退爲
近侍其餘桃李花孰不在臣例奈一落此間竟受小草制
雪蕉齋詩鈔 卷一 三

自題畫菊

我志在功名此花稱隱逸以我畫此花馬牛不相及偶緣
興所至淋漓潑墨汗花竟無奈何勉強來就筆一笑陶淵
明今朝也入室

塾歸誌母訓

夜自章安歸月落沙路黑行行近村墟村犬吠聲密舉手
叩柴扉全家心惶惑忽悉遠人至驚喜竟無極山荆出門
迎提燈照面色兄弟及婢僕亦覺情得得阿母尙未眠呼

兒自內出兒跪阿母前相將問安吉阿母命兒起向兒別
有詰索兒課藝看期兒學有益揣摩近三年誦習幾百
但看蠅鑽紙未見鵬奮翼那堪柳士師此後復見黜不記
汝父言讀書期報

國先子嘗以讀書報國爲訓

族母翁太孺人九旬貞壽爲丹石伴作

吾族有賢母來嫁自鹽官爲婦七十載節孝人爭傳憶昔
年二十受聘初結婚曰嬪及臣里羣欽閨範端無違守敬
戒秉心靜以專牛衣春好好鸞鏡月團圓時未經盤錯志
節何由宣一旦大厦傾獨木支應難母乃矢厥志三復柏
舟篇諸艱雖歷試一一能曲全上有白髮翁老病肢體殘

雪蕉齋詩鈔

卷一

七

母親爲調養夕膳及晨餐下有黃口兒幼弱形影單母親
爲撫恤晝饑并夜寒內甥依而處怡然夏屋寬中表托其
庇油然慈雲屯未幾祝融氏倏奪屋數椽母乃徙彼郊擇
鄰而處焉千載效仇氏教子曾三遷只道子成立楹書克
紹前誰知纔受室又折瑤華年是時姑與媳熒熒自相憐
所恃惟一孫顧之淚潸然可憐抱孫苦安得望孫賢何幸
孫成器早歲泮芹奉家風旣奕奕世澤復綿綿始知循環
理人力可回天孤松歷霜勁貞玉以璞完迄今壽九旬猶
然景駐延於我爲族母聞之心拳拳敬爲臚實事歷歷付
柔翰寄語采風者取此小詩看

諸靜山 淳仁 邀同周蓮舫 錦川 葉星舟 漢 葉石生 麟

慶 蘇子箴 國銘 茶山看梅

茶山梅花遍山麓年年花開苦幽獨主人約予游已夙花
發特爲置醪醑予亦見花愛甚酷其奈此胸鄙食肉何似
諸君能不俗諸君前身皆金粟夙根清淨已早伏濯水神
魄飲水腹定對梅花如相熟花亦爲君開簇簇千枝萬枝
矜神速綴遍珍珠嵌遍玉百般紅紫樹猶禿一白居然彌
山谷始歎幽人真高躅不着俗塵三萬斛在山清氣一團
蓄出世香名千里逐孤芳有志誰能續笑予隨時徒碌碌
名韉利鎖苦受束未免對花增慚慙四顧寒山空躑躅仰
雪蕉齋詩鈔 卷一 五

之彌高隔脩竹主人爲言花可瀆導予扣關無嫌促山水
寂寥天地肅明月皎皎清風穆風襟月佩何清淑如此美
人可寓目始識林逋好眷屬一生長抱艷妻宿堪笑世間
豪華族假紅倚翠多齷齪我來嶺上偶延矚夕陽欲下看
不足癡心還向諸君告安得徑從山間築人與梅花同一
屋雲堦月地相往復共君長消清淨福

哭家子山大令 玉

丙辰秋八月聞君病弗瘳死亦人不免何足爲君憂况君
年六十科名重吾甌論文嘗擢秀論行嘗拔尤萃野曾一
詠杏苑曾一游出爲百里宰亦足展壯猷今又歸粟里孤

更得首邱何者爲君恨爲君悲咽喉但恨在官日日淺志
未酬君量涵千頃君才隘九州君面金剛怒君腸菩薩柔
清如水懸鑑利如風駛舟直如羊觸罪明如犀燭幽倘其
得久任靡政不克修應致國有豸何患民無鳩仁見甘棠
樹芟芟南國留上答 天子命下慰蒼生求何圖造化

奇命與祿位讐萬泉古劇縣借箸僅一籌此外遂碌碌一
官京罷休越艷坐吳妬齊語遭楚咻柯斧假不假匣劍售
未售致使漢廷吏變作楚國囚或彈馮驩缺終日挾蒯緜
或擊禰衡鼓常時著岑牟久之處柄鑿侯門難逗遛歸來
書咄咄閉戶諷牢愁我時方挾策聞之爲悵惆歲首一遇

雪蕉齋詩鈔

卷一

六

君剛乘烏犢兜落落王喬烏種種蘇季裘知君久落魄行
色風蕭颯君道貧如故宦囊真澀羞且悔文字孽少將心
血嘔近得怔忡病調治須勃澥叩君東山志可能再起不
君云我老婦再嫁須蹇脩我亦爲勸駕空言聊贈投嗟哉
竟不及語罷驚泡漚宦途纔息轍塵世旋掉頭憶昔哭君
弟秋風淚未收弟甲山沒於吏曹今將兩行淚并作一行流昔爲
居吏曹一官如蜉蝣今爲仕晉國千里成贅疣何爲命各
阨何爲才各優可憐才與命動成風馬牛豈無銅臭子車
前擁絳騶亦有食肉輩日高眠黃紬龍見彼何福夔屈此
何由我欲問彼蒼蒼天但悠悠古來扼腕事林鶴與梁鷺

聊自抒孤憤爲君商聲謳若爲斯文哭事又關千秋況爲
宗族惜吾更非人猶區區一掬淚浩渺等滄洲

費宮人刺虎歌

龍馭升天虎下地軒鶴冠猴盡垂涕試問虎怒誰敢櫻餘
勇乃有宮人費宮人顏色嬌於花問年十六纔破瓜詭言
生本天潢胃義難苟合須禮加虎旣見色氣忽鋤虎復聞
言心旋娛分明纖弱一枝玉誰料深心蓄異圖是時虎已
將人踞置酒營中迷不悟奉勸一杯兩杯時安排三刀四
刀處暮夜沈沈息戰鼓虎穴重重閉門戶四圍宿衛正森
嚴提防不及桃花斧夜漸深兮虎漸伏宮人心已計之熟
雪蕉齋詩鈔

卷一

七

欲下手還且暫留恐驚虎覺遭虎毒俄而虎睡斝有聲宮
人抽刀不少停挺身直上一揮手斫落虎頭虎未醒毅然
纖手將虎捉虎頭灑血猶淋漓真箇無聲如殺草帳外貌
貅知未知此時報讐志稍遂此際置身將何地誰知宮人
計更周拚身一死直不避好箇虎頭大如斗死奉烈皇作
下酒猶惜報君一片心不殺大讐殺小醜事成今日百年
矣百年無愧垂青史智勇兼全古所難區區女兒竟能此
君不見幾堆白骨虎唾餘幾行紅粉被虎污誰知朝野滄
桑日殺虎乃出千金軀嗚呼殺虎乃出千金軀

早起

不知夜雨否碧草何含滋曉氣開霽色鳥鳴庭樹枝小桃
新如沐娟娟弄好姿不忍折在手且待柔風吹小齋早起
坐耳目俱可怡悠然與物適此意將語誰

擬元次山賊退示官吏次原韻 有引 時同治癸亥

吾郡連年遘會匪粵賊肆擾田野荒蕪流亡載道
恩旨蠲免丁糧而有司官匿不奉 詔催徵如故

予心傷之因擬其意以達下情庶使聞之者稍戢

焉

吾甌處海濱地瘠少豐年矧遭逆賊亂困疲甚於前十村
九焚掠田荒積屍眠遺民窮且餒妻孥多舍旃道傍坐嘆

雪蕉齋詩鈔

卷一

三

息欲語淚潸然

九重出

恩詔疾苦亦見憐我方

爲民慶瘡痍庶安全柰何爲人牧獨無人心焉打門索租
稅比戶皆憂煎忍心剝民去焉望子孫賢可憐眾生苦誰
濟大願船紅羊劫有盡猛虎害無邊

道興

天道自有常人道與時變曠觀十年間易盡貴與賤豈惟
形勢殊兼覺災侵纏冥冥不可知安敢忘集霰
蒼蠅守一步老驥志千里豈不念艱阻事在不可已生逢
擾攘時安得好舉止高謝魯兩生方袍處田里

責牧童

我家世業農牛羊多所蓄此物不自蕃原待人豢育但此
牧事勞不能躬自勗前歲隣家翁爲我薦童僕稱其性純
良此事尤習熟我因挈此羣諄諄託心腹當其初秉鞭僉
曰良司牧痛癢諒關心饑飽應在目無事致觸羝有心爲
舐犢飲食得遂生牡牡各從欲陰陽血氣調寒暑沴厲伏
果其如此言豈非爾牲福奈竟大不然貽誚甚庸碌喜怒
任厥性鞭撻強爾服可憐三百羣半遭疾蠱痲可憐九十
特動卽就割戮汝獨無人心竟爾肆荼毒憶昔使汝心原
不忍齧蘇至今竟如斯依然牲命感亦安用汝曹徒蠹倉
中穀

雪蕉齋詩鈔

卷一

六

醉歌

吾愛向子平所志何高卓婚嫁一朝畢脫手游五岳壯哉
達人言使我因之欲騎鶴手持萬歲籛口吞一丸藥到處
無險巖振衣卽磅礴登衡山遇嬾殘煨黃枸煉金丹飛走
直上祝融峯九疑仙人相盤桓登泰山逢赤松遊日觀應
八風手攀扶桑袖東海羨門子高時相逢登華山見毛女
井公博神器取伸手直摘十丈蓮希夷見之同輕舉登嵩
山游謨觴登恒山辰星張飲食自然非烟火壁珪瑰怪皆
吉祥真人貽我長生訣身與黃鵠相翱翔游戲宇與宙無
境非仙鄉足不踏眠牛土手不握繫虎鈴耳不聞青蠅聲

目不見蒼狗形如是不生亦不死若非萬歲當千齡

雪霽攜姬人西溪看梅

天公昨嫌梅花遲遣雪催放千花齊今朝雪霽花更奇殘
雪半留梅樹枝吾生愛梅心多癡即時煖酒呼小姬攜酒
兼教姬相隨飄然一棹抵西溪溪路全被梅花迷渾然一
白無東西吾船不繫任所之隨溪旋轉隨風移突入花深
花不知須臾船泊卽在茲滿船花壓船蓬低以船載花恐
不支我姬船上坐恰宜與梅相映雙水肌如與羅浮美人
期澹妝素服來依稀我却忍凍別有思手搯鐵笛橫空吹
四山有影月依依萬籟無聲風淒淒寂然船底靜流澌但
雪蕉齋詩鈔 卷一 九

合呼梅爲妻

居遼念家中兒女

甲子十月初
七夜燈下

吾生嗟薄祜歷境萬嶠嶮遭家常多難中饋職屢虧所生
惟三兒各各貌爾孤最長者爲女九歲名阿珠昨向碧窻
下束髮丫髻梳其次名玉兒玉貌清而懼今年纔七歲舉
動姿頗殊最少名貴貴五歲便具軀也隨阿姊後窻下認
之無憶吾出門日一一牽我裾問兒何所欲問兒何所須
兒云我無欲兒云我無須但問爺何去爺去我何如我實
無如何欲答口囁嚅又恐拂兒意強笑博其娛強笑將忍

淚淚落已如濡淚落未及拭僕夫催上車忍心置兒去中
懷如刺錐颯然一塵起言駕不須臾時向車上望兒立猶
躊躇自從別兒來至今半載餘思兒時見夢夢見兒一呼
呼兒夢忽覺覺時兒去諸兒竟何所在兒竟何所居兒饑
誰爲食兒寒誰爲襦兒眠誰爲蓋兒走誰爲扶母在固恃
母母死猶賴吾并吾亦出門兒一空所於此是我太忍亦
是我太疏七千里路外置兒而遠圖縱云爲功名功名若
是乎父子天性親其道焉可誣急當理歸策一遂我區區
莫笑舐犢愛須憐無母雛

過山海關

關在撫寧縣東順治初闖賊陷京師吳三桂
乞師我朝從關西擊賊于一片石賊遂西奔

雪蕉齋詩鈔

卷一

三

襟山形勢尊帶海氣象曠關外望關中關勢何雄壯想見
我朝初龍興風雲狀流賊時陷京倉皇何景况延陵

吳指

三來乞師痛哭情可諒

先皇乘此機師行時雨降

一戰搗賊虛再戰摧賊將賊從一片石遠退三舍讓明日
約入關連營左右望仁者固無敵合擊更誰抗賊果狼
狽行西去失依傍從茲遂定鼎羣寇漸滌盪一旦息烽煙
千年資保障我從寧遠來葱鬱瞻氣王作詩頌吾王王
業實此創

遊雁山

造物有意顯神通山亦向人逞英雄奇峰峭壁當面起合

人恐怖心忡忡若非親到古蕩北焉識千奇萬怪藏其中
或踞如猛虎或矯若游龍或舞如鸞鳳或立如羆熊或並
坐如兄弟或相對如嫗翁銳頭或如筆脫頰開口或如刀
試鋒湫水有三分大小虞谷有二列西東意境非人所能
擬逕路惟仙或能通是豈山靈弄奇詭故意欲迷遊人蹤
抑豈詎那象教力能從萬古開鴻濛要知此是天地無心
之結撰不假神鑿鬼斧雕琢工若從此中間真宰胚胎元
始誰能窮姑且游山樂我樂美人秀士喜相逢但惜我無
磊落才對山未免多羞容却復吟詩得奇句落筆通峭摩
蒼穹同游聞言發狂喜仰天一笑天爲空陋他局促轅駒
雪蕉齋詩草

卷一

三

輩男兒真是可憐蟲老我看山興未已得此奇境開盲聾
最恐明日出山去此身依舊落塵封

題鍾馗嫁妹圖

石榴花紅菖蒲綠誰家姊妹正花燭云是終南進士鍾阿
兄替辦新妝籠送妹道出冀州山一騎紅塵紅簇簇彩輿
還呼羣鬼扶魑魅魍魎紛相逐畫工游戲顯神通播弄奇
詭竟滿幅披圖如燃牛渚犀奇形詭狀齊觸目却怪鬼來
太逼人鬼面如泥人如玉

雜詩

我思山中人足跡遠城市世事紛如麻間隔不入耳晨出

荷鋤犁暮歸富妻子租稅了公家嫁娶近鄰里終年常嘖嘖
真性猶童稚那知風氣遷先從草莽始機詐劇鬼域門
狠起涯涘緬想懷葛民遠睽一萬祀誰與持斧斤鑿破渾
沌死

萬物態皆濃惟有書味淡業與竹素親道將海岱攬雪影
透窟牖壁光照鉛槧古來賢達人嗜之等昌歎積久神理
超得深志意欲抱質謝紛華克念在勇敢自非岳家軍敵
來必受撼不若記姓名倘或封燕領

民生日以繁地寶日以耗造物無如何巧拙自相盜我聞
有蠅蟲爭食起凌暴况爲萬物靈誰測意所到造雷與飲
雪蕉齋詩鈔卷一
三
冰寒暑可顛倒有讓則有競無施亦無報安得石室仙爲
世燒丹灶

吾甌土田肥潤時序陽和惟種桑養蠶計最宜大利
所在鄉民多習而忘之因作勸桑勸蠶二詩以喻
之

人栽桃李樹但得好花看一朝朔風起不能禦其寒何如
種桑樹葉可供蠶餐有蠶卽有絲自不患衣單况吾甌地
力土肥場又寬各宜分桑秧按候清明前鴉鋤先坑掘水
坵和糞填草無使滋蔓蟲無使穴鑽辛勤致保護生機庶
以全會待三年後樹長如檀欒誰家採桑女青絲滿筐鮮

一筐錢數百十筐錢數千方知陌上樹珍過海底珊瑚從此
利百倍弗畏苦千般願將初種日預作種成觀株株皆織
縞樹樹盡羅紈此實因民利而利莫大焉月令嘗有記幽
風亦有篇但恐習不察十畝仍荒阡 聖朝尙實政桑

織本居先尤賴賢司牧敦俗遍傳宣君看百里地何處非
桑田

右勸桑

農一日不勤一日食不足女一日或嬉一日衣卽縮二月
鷓鴣鳴蠶事漸迫促願汝閨中女急取蠶子育趁此谷雨
天清水爲蠶浴暖日紙窗明蠕蠕看破殼初生切葉餵散

雪蕉齋詩鈔

卷一

三

紙布一幅幾日漸長成分頭必晴旭添箔就西廊設簷置
東屋靜宜避蠅喧遠還將鼠逐蠶多怕葉稀食飽眠始熟
頭眠過二眠三眠卽相續眠足絲愈純雪亮光透腹大起
頭昂昂一一將上簇急當伐葦蕭山棚架竹木供他乙乙
抽黃白紛滿目繚娘幾日功窮民三冬煥好插做絲花莫
自貪膏沐待看絲成日何愁乏羅縠上納 朝廷租下
裁兒女服箇箇登春臺人人離寒谷會與吾甌民共享飽

煖福

右勸蠶

雪蕉齋詩鈔卷二

近體

永嘉 仲蘭王德馨

春郊散步

幾層樓閣幾垂楊策杖行來路正長
有地雨餘都染綠無花風過亦聞香
相逢遊客美無度偶作新詩綺不妨
更喜就中歌一曲最宜人是滿庭芳

結廬上田莊卽事

結廬恰喜傍東臯庭有莓苔徑有蒿
鳳尾乍舒新種竹猩脣微露半開桃
眼前好景憑詩拾身外浮名借酒逃
贏得日長無箇事小窗閒坐註離騷

雪蕉齋詩鈔

卷二

一

春暮懷人

乍聽出谷一聲鶯三月離人感易生
年少名花曾在抱路長芳草若爲情
燕巢銜定春將老棋局敲殘月尙明
安得杜陵一樽酒謫仙重與訂詩盟

夜起

天生我輩豈悠悠萬里平生志未酬
此命方思文可奪無聊眞覺筆堪投
黃金古有高臺築美玉今難善價求
自顧不禁中夜起故人昨日已封侯

梅花

昨夢尋從庾嶺回相逢縞袂影徘徊
春風環珮含情出夜

月亭臺索笑來洗盡鉛華成古貌
歷殘冰雪見清才笑他桃李都麤俗
浪逐陽和到處開

桃花

春到花心鎖不牢便扶紅紫上梢條
美人年紀瓜初破之子容華酒未銷
蝶宿叢深情易戀燕棲枝弱態難描
祇緣生性多輕薄盡日無風自動搖

輓周藕農

灝

夫子

一春方喜坐春風不道春歸人亦終
如此風光太淒絕鳥嘯花落講堂空

卒於三月晦日

未容百里試才華曾喜歸來種菊花
可奈一朝成賦鵬傷

雪蕉齋詩鈔

卷二

二

心賈誼舊長沙

先生曾以縣令需次長沙因不樂於仕遂歸

小西湖上記從游酒賦琴歌事未休
不信春風行樂地鶯花無主惹人愁

近將筆墨付煙雲

先生近有此句竟成讖語

中散琴音遂不聞我是韓

門親弟子夜深風雨哭斯文

先生著有四書補義左繹及自得齋詩集研經堂駢體文

梓

醉後口占

日夕醉如泥昏昏臥不醒醒時推窗看月上梧桐頂

贈季省之

忠慶

時讀書於海壇山之郭仙庵

許將金石訂心知饑渴而今慰所思
進學君當三日別論

文我愧一斑窺清風明月懷元度流水高山遇子期如此
丰神誰得似臨風玉樹挺枝枝

居游何幸識荊州郭璞巖邊春復秋占得無窮山水福生
來不管古今愁閒從竹裏安碁局醉向花前點酒籌到此
真能脫塵俗怡然魚鳥與同游

相期遙指翠微灣嶺上白雲自悅顏往迹獨尋華蓋麓新
吟多著海壇山禪牀攤飯安無事佛地焚香靜掩關竹院
有僧堪共話浮生我亦欲偷閒

詩人福分本清虛占取維摩室有餘徑展三弓堪種樹地
容十笏且披書並看北海鵬飛日好是南山豹隱初二十
雪蕉齋詩鈔卷二

三

年來王播面拂塵何礙木蘭居

僑居杭州寄吾郡李養山 正培

記取將離贈相違忽至今一燈孤客舍千里兩人心對酒
湖山勝題詩感慨深何時拋却去重與話同岑

旅夜聞蟲

蟲鳴似爲旅情攄吸露含煙韻有餘鐙影半窗人定後雨
聲孤館客醒初不堪三四更深坐况是一千里外居我憶
故鄉多棖觸故鄉聽此復何如

銀瓶井

忠孝傳家此血丹獄成三字涕洟瀾石銜精衛思填臆書

上緹縈竟被攔一點精誠殉父易千秋遺恨雪冤難今看
井水清如鏡猶照秦奸心膽寒

舟過七里瀧

山影倒涵空舟行明鏡中窗含秋水白篷漏夕陽紅地處
下流勢自此至杭皆順水人餘高隱風吾行殊未已長路共征鴻

蕪江夜泊

自來地是古名州一片繁華占上頭燈火沿江星欲活樓
臺傍水宅疑浮估船茶鐵晚爭集妓舫等琵琶夜未休飲罷
順風一杯酒爲言明日好行舟船家招飲謂順風酒

舊宅被燬重過有感

雪蕉齋詩鈔

卷二

四

禾黍離離綠滿郊傷心何處是衡茅憐他燕子多情甚春
至還來覓舊巢

春閨怨

靜裏觀時物春將意緒提繭蠶多自縛巢燕少孤棲心事
愁花落年光怕柳齊王孫歸未得負此草萋萋

恨辭

懊惱平生願未酬斷腸祇合萬千休人間艷福招天妬吾
輩鍾情付水流桐葉難期前世事梅花還欠幾生脩是誰
註就鴛鴦牒費盡躊躇不我由

送孟春源

居仁

還括蒼

卧病春深相見稀今朝買棹共春歸祝君身似長亭柳入
夏絲絲綠漸肥

萍跡曾聯鷗鷺盟甌江握別最關情江流亦復深千尺自
愧汪倫送此行

永嘉曾住閑年光蠟屐登臨寄興長無限甌中好山水半
收畫稿半詩囊

春源善畫

括蒼山色信奇觀此去重遊定盡歡還望徐熙老手筆繪
圖寄與故人看

一帆江上好風波梅雨聲中喚奈何我贈詩篇君贈畫貧
交惟有此情多

雪蕉齋詩鈔

卷二

五

讀張文忠公大禮疏

倫理當時涉渺茫廷聚訟太猖狂君臣一疏徵奇遇父
子千秋握大綱謇謇孤忠懸日月紛紛羣喙避鋒鋦讀書
宰相真無愧史乘於今尙有光

初夏村居卽事

四月維夏清且和箇中生意正婆娑風薰紫燕雛成易雨
釀黃梅子熟多小麥鄰娃分餅餌新絲市價算執羅村居
漸識豐穰樂社飲家家醉面醅

留客

朝朝陳榻下蕭齋貧喜留賓計亦乖惹得山妻私自語累

儂又拔鬢邊釵

初夏齋居

榕葉滿庭陰居無俗韻侵披圖尋蛺蝶檢帖獲來禽濕地
滋斑蘚晴嵐媚翠岑此間頗清絕聊以滌煩襟

內子歸甯還誇家園牡丹之盛明日余往觀之則已

落矣

枉說瑤臺花滿楹我來已是落繁英姚黃魏紫名空在燕
麥兔葵感易生杜牧愆期應笑我洛陽占福早輸卿歸來
爲拾殘花片賺得蘆簾一綵迎

芍藥

雪蕉齋詩鈔

卷二

六

前頭紅紫已成堆婪尾時傾酒一杯全局繁華從此結化
工鄭重爲君開早榮那及當王貴晚遇彌徵是相才寄語
老梅休傲我所爭原不在春魁

上巳夜任玉仙

振颺

拔萃招飲

品望曾經貢玉堂交游差喜借餘光春風坐我心先醉舊
雨逢君興更狂門外笙歌聲沸鼎酒邊談笑氣凌滄相期
絕頂置身處翹首青雲結驕忙

春遊

隨意春遊覽物華東風漸漸遍天涯多情最是橫堤柳遮
着紅樓又幾家

怡紅園看牡丹和主人李溫如

正銜作

繁華獨占一園春，管領風光信絕倫。
千葉扶身彌覺貴，百花低首願稱臣。
文家絢爛斯爲極，書匠臙脂恐失真。
我和清平新曲罷，知君原是謫仙人。

惆悵詞

相思甘載味同參，紅袖青衫約畧諳。
惆悵今宵重細數，幾多荼苦幾餘甘。

耐把銀箏理舊絃，黃昏微雨未成眠。
夢回苦憶相逢夜，苧蕊梢頭月正圓。

錦字貽來墨已陳，十年前事付灰塵。
至今手跡彌珍惜，重雪蕉齋詩鈔

卷一

七

把香薰舊贈巾

信步城南傍水涯，枇杷門巷記卿家。
綠陰滿院雙犀鑰，太息紅顏一樹花。

自從紫玉成煙後，重過吳宮事惘然。
鏡匣已封妝閣閉，春風狼籍舊花鈿。

朱戶無人鎖暮煙，蜘蛛窗格有絲牽。
繡衾亂疊空床上一任，獨兒自在眠。

桃花面的乍調勻，曾記梳妝對鏡頻。
今日自依奩匣畔，替研剩粉寫遺真。

彩雲舞罷綉游仙，往迹依依總泫然。
燕子不歸春又暮，畫

樓閒煞架秋千

珊瑚仙骨玉玲瓏仙去應居忉利宮幾度花間鈴索響猶疑環珮過東風

我作張騫鑿空思擬尋君去訴微詞不知今夜孤飛蝶棲在梨花第幾枝

狂風偏妒小桃妍雜綠么紅不永年再世莫爲花薄命香魂但願早生天

悄然燈燼落銀缸黯淡簾旌風自撞中夜相思扶病起小樓斜月獨開窗

春色闌珊逝水空聲聲杜宇怨東風花容寂寞無尋處露雪蕉齋詩鈔

卷二

八

蔓煙蕪滿殯宮

附曾小石題詞

妖紅銷盡情天老瓊窗獨掩春寒獨兒花下睡昏昏淒涼紅袖殘月挂闌干 廿年舊夢從頭數羅巾香

漬嗁痕崔徽枉覓畫中魂梨花開了孤塚雨聲酸

寄臨江仙

雨歇

因人三日雨浪浪雨歇天還放景光花似貴妃初出浴山如少婦正凝妝燕泥融處將成蠱蝶翅輕時漸作狂我亦喜晴貪覓句呼童料理舊詩囊

春遊卽事

陽回遍地景翻新
隨意尋芳步履頻
醉卧落花書作枕
困臨流水草爲茵
須知少壯無多日
況值芳菲是早春
爲語滿園桃李樹
好留顏色待游人

小園

拓得三弓地力饒
自操畚鍤趁春朝
酒方待釀先栽秫
字尙須臨補種蕉
咬菜定能諳世味
繫匏未免惹人嘲
笑他小婢留心甚
雨過時來趁蒜苗

范增

豎子不足圖君何見不早不觀王陵母
囑陵毋草草

雪蕉齋詩鈔

卷二

九

馬援

六十據鞍身帝驚
顧盼神肯將好勳業
讓與少年人

方正學

殿前突見斬衰身
今日先皇尙有臣
草詔先生能不屈
讀書種子果然真
生除道衍無知已
死論成王有後人
奇節千秋昭日月
可憐瓜蔓絕姻親

于忠肅

天子當年敗北征
賊酋洶洶舉朝驚
一人定國功何偉
衆口鑠金罪未明
少保又留三字獄
上皇姑置一杯羹
千秋遺恨銜徐石
枉殺公爲復辟名

初春

不言歲序忽陽回，差喜東皇識面纔。
無限嬌惟花漸放，最多情是燕新來。
臨風舞倩垂楊學，逐日詩憑密雨催。
爲問少年行樂事，踏春前路幾人陪。

寄女校書

扇影歌聲夢未真，游山曾伴苦吟身。
牡丹開後頻回首，萼綠歸時久絕塵。
望月嫦娥應諒我，折花蝴蝶欲隨人。
問余何事情癡甚，總是三生未了因。

春晴偶興

鳥語窗前說甚麼，乍晴天氣漸清和。
當風花樹散紅錦，過雨池塘漲綠波。
老屋數椽歸舊燕，遠山幾點畫新螺。
等閒悟得浮生幻，爲蝶爲周一任他。

獨步

脫然無俗累，獨步散幽襟。
得句不留稿，無絃聊對琴。
落花千古恨，流水一生心。
老子猶龍意，天倪未易尋。

凌霄花

不同氣類亦相親，附麗喬松作進身。
汝縱凌霄我莫羨，平生風骨恥依人。

漁燈

落日孤篷傍釣磯，漁家起火一星微。
船頭補網婦宵坐，浦

口收醫翁夜歸隔着蘆花光隱約雜來螢燄影依稀羨他
自足全家照不向豪門更借輝

蟹

賦形何事獨庚庚怒目居然與虎爭兵甲范公胸具有文
章司馬世橫行漁家擘處酒初熟釣艇撈歸鏡尙明試看
兩螯刀俎下人間耿介孰如卿

山谷詩怒目
橫行與虎爭

夏夜

衡門客散靜無譁唧唧蟲聲透碧紗消得夜涼清似水雨
餘殘月在荷花

采蘋詞

雪蕉齋詩鈔

卷二

七

采蘋蘋葉青風急難揚舲不嫌勞織手恐散波面萍
檣楫木蘭船煙溪復露渚采之欲遺誰蘋花白無語
蘋根生水中秋花開波面花好有人看根苦無人見

采菱詞

采菱菱葉翠采采須留意莫漫掉輕舟鴛鴦正深睡
日暮風吹衣獨泊橫塘日菱角生刺多怕損織纖手
一聲歌采菱幽思滿素抱年來羞見花鏡裏紅顏老

貴公子

羨君二十縮銀黃意氣驕奢不可當夜擁嬌姬留綺席春
盤駿馬出毬塲桃花扇影驚歌艷杏子衫痕驗酒狂傲煞

世間讀書子苦修邊幅鬢毛蒼

遊飛霞洞

寂歷此巖阿殘陽照薜蘿神仙遺世久樓閣傍山多古洞
霞將沒寒塘水不波惟餘卧樟樹生意尙婆娑

九日登東山懷古

我以見吾真峯頭一置身天容莽空濶山骨兀嶙峋曠代
正多感孤芳必有隣菊花秋色好陶後屬何人

歲晚偶占

鄉村歲晚盡閒人刈罷田禾斫罷薪落日平原秋草盡兒
童篝火捉鷓鴣

雪蕉齋詩鈔

卷二

三

絕句

雪天詩思浩無涯曳杖溪橋日欲斜風虐傲裘禁不得忍
寒獨立看梅花

素心蘭與曾小石

諧同賦

素心我亦正如此瞥見花開歎絕倫高士清冰剛在抱美
人秋水爲傳神緜餘瓊珮含情藐彈罷瑤琴結契真自是
坦懷堪共白深山願與接芳隣

品高曾不受塵牽位置端推萼綠仙澹到無言真韻絕芳
能竟體亦天然露零空谷憐同臭月墮湘江悟淨緣解識
此心聞妙處與君共證木樨禪

春暮雪蕉齋雜咏

春深漸覺此身閒，閒坐齋頭肯放還。富或堪誇書萬卷，貧猶得占屋三間。苔青繡遍堦前地，水墨圖成壁上山。却喜眼前都樂境，不關已事且教刪。

任人羞澀笑囊空，我自安貧不怨窮。衣取稱身何必美，食惟充腹弗求豐。書聲乍起半窗火，睡味頻添一榻風。雞犬亦饒清淨福，却隨人住綠陰中。

陶公寄意抑何深，我愛吾廬樂可尋。栽橘原期秋結實，補蕉却爲夏添陰。妻量蠶事無閒日，客與鷗盟有素心。真趣由來別有在，無絃且自一援琴。

雪蕉齋詩鈔

卷二

三

小居

小居曾愛避塵埃，習靜門常晝不開。滿地落花何忍掃，拂天喬木是親栽。看山或辦一雙屐，對月時傾三兩杯。自醉自醒還自起，起歌明月重裘裛。

遊怡園贈主人曾小石

諧

記取名園義怡怡，見性天園係小石尊甫石生先生有花

皆棣萼，此境卽神仙。李愿歌盤谷，王維畫輞川。豈惟木石

勝足埒古平泉。

春暮一尋君，疑君住綠雲。開窗皆竹翠，入座必蘭芬。選色花千樹，徵歌鳥一羣。卽茲當重事，詩句策奇勲。

倘不入園中焉知結構工花蟠枝屈曲山疊石玲瓏几硯
皆隨便樓臺半嵌空天心非草草位置一詩翁

獨自養空游君真達者流酒邊金似土花下屋如舟來友
皆千里藏書別一樓笑他守錢虜誇客只多牛

荔支二十韻

百果誰爲長羣推此果爲實纔山左結名已嶺南馳露綻
垂千顆星光照陸離摘之珠忽落賣者絮難欺信是多情
種常成連理枝本來無肉相生少有香肌赤體憐渠嫩紅
情笑我癡膚方清似水汁更旨如飴色果可餐否心何忍
嚼之冰疑懷裏散露訝掌中滋愛極將胸貯饑先在眼窺
雪蕉齋詩鈔卷二
十四

饑應煬帝療渴想長卿醫其味酸鹹外吾心灌溉時性原
尤物異質與可人宜雨際梅黃早秋深橘綠遲菊因延壽
種柑取合歡遺細膩終輸汝柔嘉總讓伊長生新製曲入
夢舊聞詩消暑功歸爾傾城貌數誰安能飛騎速千里寄
相思

答葉慧仙

菁莪

久慕詩才擅八叉讀餘贈句信堪誇停雲作賦懷陶令流
水調琴憶伯牙四海風騷今有主一心杼柚自成家連宵
更想吟情好清氣得來白藕花

翹然天外任昂頭識得人中此驥騮共道襟期在霄漢偶

承談笑總風流廿年歲月書中過萬里波濤筆下收預卜
鵬飛終有日養成毛羽待高秋

華堂曾爲我開筵回憶歡娛境已遷酒氣消從朝雨後簫
聲吹斷暮雲邊地隣東海乘風使人在西樓望月圓安得
再來消夏地重陪鯨飲舞僊僊

過樂清

曉色忽清霜客行過縣傍江田蝗子氣山路木犀香市店
經三宿村醪醉一場早潮時不待歸趁館頭地航

憶內

滿院秋蟲唧唧吟客窗夜靜月將沈遙知閨裏桃燈坐細

雪蕉齋詩鈔

卷二

五

貼寒衣未放鍼

自笑

自笑斯身等繫匏端居鎮日守衡茅筆緣寫久毫都禿硯
爲磨多石漸凹樹穀一年何足計時方訓蒙讀書初念肯輕拋
細思作賦終難獻只把閒吟詩自敲

登章安城樓望隔江諸山有懷林若衣

用光明府

臨江高眺絕躋攀沙鳥風帆去不還一抹遙山青未了故

人家在畫圖間

九日登章安隆山

平生氣擬壓崔嵬直上孤峯亦壯哉塔勢欲爭詩筆健山

容都向酒人開登高我有孟嘉興懷古誰當謝眺才且向
客中作重九菊花酌取盡餘杯

九日登隆山有懷城南諸友

隆山東畔巽山西今日登高事並提詩筆不知誰健舉菊
花應共此開齊美人盼斷雲難合孤客興高峯欲低料得
城南相望處一湖煙樹使君迷

山齋對雪

無端世界換紅塵花落花開景一新畫裏芭蕉憑點綴堦
前玉樹忽精神與梅同住三間屋得酒平添四座春此際
號寒正無限大裘展覆屬何人

雪蕉齋詩鈔

卷二

六

雪望

積雪滿前村一望皆縞素但見炊煙青知有人家住

敝裘

每撫蒙茸物遙遙感不禁蘇秦今落魄白傅舊關心孫祖
傳家遠風霜閱歲深禦寒端藉此老將却勝任

冬夜宿曾子璘家

節交冬至夜沈沉貧况君家已不禁風響似人行破屋月
光如水浸寒衾竹爐火薄湯難沸苔壁泥鬆雨漸淋知否
此中堪鍊性男兒莫漫淚沾襟

游太玉洞道院

乘興來游訪玉真洞天清秘淨無塵道姑仙去何年返門
外桃花今又春

讀白太傅集

爲政風流長慶中簿書絃管有餘功意含諷諭言皆物境
到歡娛句愈工生面獨開唐代社先聲已啟宋朝風至今
流派分明在一曲楊枝唱未終

元夕

一曲昇平樂事真嬉遊今夜倍精神天生風月多情物春
屬笙歌得意人鼇背高擎千炬燭馬蹏暗踏六街塵我來
欲仗燈光佛洗盡寒酸氣象新

雪蕉齋詩鈔

卷二

七

春柳

春色渡江頭春情繞畫樓此花太飄蕩其葉亦風流腰細
偏工舞眉生便解愁管他人世上迎送幾時休

紅花詞

用竹枝體

第一關心花事先商量晴雨小春天儂家全藉花田利歲
歲栽花當種田

種花但祝花滿枝採花須及花開時大姑提筐出門去小
姑裝束肩相隨

花仔日日走門前花價今年勝昔年十字街頭花市闌家
家論色不論錢

頭番研花花膏粗二番研花花膏腴一研再研儂無力盼
附阿兒喚小姑與下一首易轉

揀花清早愛花紅姊妹心思約畧同揀到晝時花未了大
家頭鬢尙蓬鬆

自憐時式染衣裳幾度從郎問細詳郎自愛濃儂愛淡教
儂停手費商量

連番轉綠復回黃染過頭綱又二綱莫怪兒心太要好年

年一蓋舊衣裳俗以黃綠色加染者謂之紅花蓋

東家染花花方出西家染花花將收明朝相約浣花去三

三五五碧溪頭

雪蕉齋詩鈔

卷二

六

送陶鹿崖士霖廉訪去任

三年駐節浙江干武緯文經治可觀秋氣滿營軍自肅春
風入座士無寒人將香火供生佛我惜飛花繞去鞍
帝世需才抑何急急惹他父老淚難乾

春日雜詠

生來性不喜繁華傍水偎山自一家夜月上窗人定後安
排好夢到梨花

春慵自愛睡垂頭燕語鶯嘯擾不休楊柳有情還似我一
開青眼便生愁

昨日尋芳碧水潯桃舒紅萼杏成林若非開到花如錦誰

識當年種樹心

困人天氣雨如酥兀坐蝸廬類守株正是春愁難遣處一聲啼鳥勸提壺

爲擬觴從曲水流落花風裏盪輕舟可能再作蘭亭序逸少前游我後游

春暮雪蕉齋獨坐

清曉蕭齋獨坐時此時領畧少人知雨餘新水有三尺春過閒花忽一枝隨量引杯頻酌酒無心覓句偶成詩悠悠更不作機事抱甕灌園真我師

香奩四咏

雪蕉齋詩鈔

卷二

九

三尺青紗製得宜春寒昨夜護嬌姿白痕半掩梅花額綠意低侵柳葉眉宛轉恰當垂髮處纏綿最是上頭時妝成未許窺全面自惜瑤臺花一枝

帕

俗名也頭紗

坐並香肩記夜遲滿身繚繞彩雲披剪成瓣瓣蓮開處擎出團團月上時朝暮行逢神女妙衣裳想與貴妃宜更憐霧鬢煙鬟好看不分明絕世姿

雲肩

生少身材瘦燕孱着來繡羈倍妖嬈人宜不短不長處春在輕寒輕煖間拜月未妨腰屢折仰花最便手高攀添香莫訝無紅袖斷袖由來癖未刪

半臂

誰把昭陽舊製傳裁成窮袴好教穿紅隨蓮步輕移動綠

向柳腰暗挂牽銀杏衫長剛露半石榴裙短不遮邊春風
跨上香驄背一路花應妬色鮮

袴

三十初度

卅載光陰矢脫弦
裴裒終夜未成眠
家承母訓曾三徙
身着儒冠已十年
無善可爲知己告
有詩敢冀後人傳
細思此後男兒事
已覺輸人一着先

感懷

漫慨韶華逝水同
還思發憤自爲雄
負山不信蚊無力
成垤終期蟻有功
往事雖多迷覆鹿
壯夫猶自薄雕蟲
雲程萬里何空濶
爭奈飛鴻未遇風

雪蕉齋詩鈔

卷二

三

除夕扶家巖病起飲酒不覺變懼爲喜因賦一絕

者番餞歲歲將除
一幅眼前家慶圖
白髮老親扶病起
弟兄團坐飲屠蘇

除夕

送故迎新思悄然
聲聲爆竹未成眠
風塵住我真如夢
寒暑磨人絕可憐
卅載光陰餘此夕
千秋事業愧前賢
蹉跎又見寒梅放
羞對梅花度却年

雪蕉齋詩草卷三

近體

永嘉 仲蘭王德馨

登望江樓有感

三十男兒未擁旄風雲莽莽獨登高萬重山勢當胸立千
里江聲入耳號北地干戈猶擾擾南天鴻雁正嗷嗷書生
空抱匡時策悵望 君門首重搔

一笑

一笑當前夢境新往來去住了無因春風十里鶯花地夜
月一場歌舞人偶戀雲山隨所性突從塵海見斯身是誰
能識前生事認得如來面目真

雪蕉齋詩鈔

卷三

一

春夜憶別

憶從江上別一路落花多舊約三生石深情千尺波愛推
烏及屋事記鵲填河瞰日言猶在終身願結蘿
自昔傍香身猶嫌遠不親如何歡喜地竟作別離人風雨
難爲夜鶯花莫問春幾回鴛帳下光景夢疑真
獨宿不成寐三更復四更添香曾伴我對鏡倍憐卿夜月
梅花夢春江桃葉情相思無賴甚惟有泪盈盈

賣花聲和女史駱秀君韻

一聲聲送滿城知壓擔花鮮露尙滋翠閣曉妝初整後玉
樓春夢乍醒時梨紅杏白從呼喚茶鼓錫簫互唱隨十里

珠簾齊捲起家家頭上有花枝

永嘉紀異

有序

時咸豐三年

吾邑自宋乾道二年海潮入城水溢爲患後雖間有風雨災異俱不至劇今年夏六月十七下午忽颶風暴作大雨滂沱計十二晝夜兼之洪潮洶湧水滿丈餘廬舍漂蕩殆盡人畜溺死無算時早禾初熟亦遭淹沒蓋數百年未見之災也因紀以詩沈霾半月雨經旬如此奇災定有因妻子萬家囚水國稻梁千頃餉波臣朝聞西舍蔬充膳暮見東鄰餓起塵眼底流民圖一幅惜無人向九重陳

雪蕉齋詩鈔

卷三

二

狂飈徹夜響颶颶有屋真如不繫舟觸浪大船馳逸馬拔空老樹舞驚虬棟椽傾折人都壓萁翼縱橫鬼亦愁嘆息浮屍竟無數隨風推落海東頭

海潮倒向地中行眼底滄桑倏變更幾處濤衝山脊上登時漲與屋頭平地維鼇足孤撐重人命鴻毛一擲輕安得乘風學仙去江邊赤腳好騎鯨

赫然天怒莫之櫻山裂川崩屢着驚礪石竟看隨浪走海門長聽作雷鳴逃生雞犬爭升屋乘勢魚龍欲上城此際滔滔信皆是杜陵茅屋不勝情

大雨經旬村中水滿戲東近村諸友

與君對面隔瀛洲水滿村中信可愁木偶亂隨泥偶漂清
流難免濁流投居來奇貨無如米學到仙人只好樓一笑
惟匏瓜也可繫而不食或無憂

雨晴水涸喜而有作

彼蒼餘地幸猶留萬里妖雲一刻收見日爭爲蜀犬吠仰
天曾切杞人憂許多蟲蟻緣柯下無數魚蝦避舍遊最是
不堪痛定處覆舟重憶舊灘頭

秋日同陳丹香芬重游雪山紫霄觀兼弔芝峯道人

讀書曾此掩松關今日重來秋滿山古樹無端紅錦爛層
巒依舊翠屏環君當化鶴乘雲去我是飛鴻踏雪還倘在

雪蕉齋詩鈔

卷三

三

茲山靈不昧羽衣應降紫霄間

送慶雲浦廉廉訪遷浙江鹽運使

分巡十載駐旌旄括嶺甌江惠並叨可愛正如冬日暖具
瞻何啻泰山高戟門夜靜烏爭集葦屋秋深雁不噉我是
昌黎門下士幾回小草荷甄陶

年來瀕海治尤難保障東南力幾殫亂向將滋圖蔓草患
從旣倒挽狂瀾溫郡屢有海警公皆親爲督禦今夏
又大水爲患賴公虔禱水勢始平鴻飛

此地留靴在豸繡他年畫像看莫怪攀轅遮不住 帝

廷鹽政要清官

常節母壽詩 母氏楊

卓哉常氏母苦節不容涇金石堅貞操風霜閱歷身尋常
八旬壽天地一完人應有聞風起漸教薄俗淳

過山家贈主人孫劍虹

四面青山似繭包繭中作繭屋編茅依巖結宇鄰猿穴傍
樹開門對鶴巢幾處閒行人不見有時清坐物無交問君
何事消長晝却道新詩手自敲

山居

幾曲清溪幾疊山白雲深處屋三間柴門盡日無人到一
徑松風自往還

登吹臺山蓮花巖絕頂

雪蕉齋詩鈔

卷三

四

天從地上插芙蓉人踏芙蓉幾萬人愛好山當面目天
開奇境拓心胸半空雲起橫秋氣上界風高落暮鐘到此
便疑脫塵世奚須丹竈訪仙蹤

寄江心寺覺來上人

鎮日空山響水魚海天兜率閉門居案頭塵淨談經後咎
口雲歸挂錫初佞佛何充應有得釋形支遁久相於

庚子歲子

讀書寺中 寄言萬樹松陰裏可掃詩龕一待予

慶雲浦夫子以軍務重來吾甌書此以呈

又見旌旗照眼紅使君持節蒞甌東疾雷動地興師怒赤
日當天報國忠宦轍陳陳鴻爪雪軍威嶽嶽翠翎風

公曾

賞戴
花翎 鰕生舊是龍門客提筆先銘褒鄂功

西湖

西湖湖水碧玉環西湖湖景絕塵寰地栽花柳春無空船
載笙歌夜不閒翠袖隨時留且住玉驄幾度去仍還漫嫌
天下推名勝銷盡黃金是此間

初秋湖上漫興

暑柳風蒲未改容畫船來往錯相逢美人都見鏡中影仙
子許追壺裏蹤夕照有山皆紫翠秋光何處不芙蓉白鷗
莫笑非閒客詩興猶高南北峯

弔蘇小墓

雪蕉齋詩鈔

卷三

五

楊柳西泠墓已荒鄉親怕說舊錢塘美人薄命悲花落詞
客多情怨草芳一自憐才心不死至今埋骨土猶香六朝
金粉多遺恨艷迹千秋半渺茫

弔小青墓

妒津吹落浩無涯弱絮幽蘭計總差篋裏空留三畫稿風
中難駐一枝花多情那不損年少早慧幾能占福遐斜日
我攜梨汁奠驚鴻小影落誰家

友人買妾戲咏

此舉頗能豪千金等一毛心方惜春色利豈計秋毫屋想
藏嬌好臺因避債高幸無天帝罰牛女歲相遭

偶感

風月場頭舊結盟，幾番恩怨不分明。
難除綺語爲情累，便帶風流亦性成。
一別秋娘人已老，十年春夢我先驚。
從今悟徹空花意，智井無波心太平。

初秋述感

天亦於今盛氣平，從觀人事倍分明。
春花漸醒繁華夢，秋草多藏蟋蟀聲。
時閱簡編嫌日短，偶依枕簟覺宵清。
槐黃忙卻青雲友，已歷秋風第幾程。
時余不
赴試

流俗

流俗何嘗有定評，教人常作不平鳴。
分財仲父誰知已，下

雪蕉齋詩鈔

卷三

六

第秀才莫識名，世態須臾雲變幻。
天心終竟月分明，廟堂將相山林子。
試問千秋孰縮贏。

秋夜懷張寶森

夜深涼月照窗明，枕上懷君夢未成。
料得蕭齋清似水，一篝燈火讀書聲。

陸機二十便能文，玉貌翩翩迴不羣。
猶憶去年遠相訪，梅花時節正逢君。

君家家學淵源在，年少張華勵志初。
尙有鄉嬛人不到，待君補讀未完書。

秋柳和潘虹橋舅氏作

疏林殘葉影蕭蕭風景江南太寂寥暮雨唳鶻蘇小墓夕
陽瘦馬灞陵橋誰家松竹存三徑何處樓臺認六朝此日
陽關一杯酒故人西去倍魂消

匆匆鞭影拂征塵繫馬河橋迹已陳落第難逢青眼客封
侯已誤翠樓人誰從飛絮參真果莫向浮萍認後身回首
不堪春宴盛淒煙寒雨曲江濱

一夢繁華局已終酒醒今夜月朦朧馬嘶衰草章臺冷鴉
點平蕪隋苑空逝水年華驚薄植西風驛路感飄蓬楊枝
零落誰憐惜曾擲黃金年少中

笛聲吹出故園秋秋月秋風總惹愁南浦盼將經歲別西

雪蕉齋詩鈔

卷三

七

湖消得幾回游歌殘艷曲銷金縷舞罷纖腰付玉鈎可惜
王恭好丰格半生憔悴爲風流

新穀

三十占家食家庭樂有餘白頭人健在烏哺願償初俵爾
驚風木於焉守墓廬時逢新穀熟能不感歎歔

病迹

秋雨掩柴關相如病體孱優游虛壯歲頃刻損童顏酒量
隨時減吟思鎮日慳支離依北牖恍惚見南山

敝廬

敝廬且住亦何尤天爲安排此一邱曉愛好山開孔牖夜

延明月入西樓雨多壁上琴徽漫風暖園中菜甲抽自笑
人間窮措大擁書中坐當封侯

病起

一病經旬戀舊氈今朝病起亦堪憐笑儂斷酒剛無債又
欠人間買藥錢

蝴蝶

蝴蝶貪游戲寢饋是花叢那識繁華事都歸一夢中

螢

此是暗室燈真莫見乎隱豈但照讀書直使獨能謹

蟬

雪蕉齋詩鈔

卷三

八

蟬蜩噪於夏其聲清似琴試問熱中客誰是汝知音

蟋蟀

蟋蟀鳴十月氣候方屬陰世更誰同調時惟我苦吟

三月二十六日小園卽景有感

芳時誤矣不勝悲惆悵東皇計日歸花落燕衝紅雨陣柳
深鶯坐綠陰圍哀吟齊女蟬初化好夢莊生蝶懶飛我亦
惜春兼自惜只應無奈此芳菲

初夏睡起

自指睡眠豁膏騰起涉南園試睇凝細數葡萄新結子靜
看瓜陔漸交藤乍晴卷帖先驅蠹驟暖軒窗亂撲蠅閒坐

始知平是福胷中五嶽漫峻嶒

過故友墓

任君看盡萬花妍死後難攜到九泉惟有杜鵑花戀主年
年翺向墓門前

寄懷白寄生

讓卿

別駕

一枕邯鄲夢醒初

君近詩有一經慧苴讒難雪再入邯鄲夢不圓之句

知君勘破宦

情疏謝公山水供游屐李泌神仙事讀書奇福翁原由失

馬清風吏自有懸魚秋來幾度傷離別却共乾坤住草廬

僧鞋菊

曾看芒屨踐蒼苔不道寒花此脫胎籬下乍疑飛錫到秋

雪蕉齋詩鈔

卷三

九

深渾訝履霜來幽人芳躅行堪繼隱士高蹤定許陪慚愧
紅塵勞插足對花未免重裴裛

題曾小石詩集

莫聞宋唐風斯才欲破空酒邊閒歲月詩裏老英雄死有
皮留豹生無氣吐虹不窮原自好窮後乃逾工

不以三公易惟茲六卷刊雞林新樂府牛耳舊騷壇脫手

千金易愜心一字難慚余同唱和傳世讓君單

與友人談捐例事

半生歲月坐消磨老我王睎恨更多最是熱官思爛熟牀
頭金盡又如何

寄慶雲浦夫子雲南軍中

一怒重提殺賊戈

公前剿魚山

壯心未已氣難磨威聲直制鯨

鯨族生面重開鳥雀羅

有脅從者公爲開釋

無字可銘成績偉不才

總覺愛恩多特持楚國巴人曲聊當軍中奏凱歌

咏虞姬

歌舞頻年冠楚宮美人何福嫁英雄當時若入阿房裏也
逐咸陽一炬空

天生此物足稱尤夫婿身材八尺脩一叱頓令人氣盡却
教心性爲花柔

憶內

雪蕉齋詩鈔

卷三

十

酒醒人倦倚窗紗靜聽譙樓鼓二過秋思那堪深夜月旅
懷無奈故園花家常鹽米勞心曲客路風霜感髮華坐學
牽牛望織女當前銀漢正橫斜

渡錢塘江

片帆飛渡大江東人在鴻濛一氣中力與魚龍爭跋浪勢
衝雁鷺忽騰空錢王鐵弩風何壯蘇老銅琶唱未終莫把
潮聲等閒聽古來淘洗幾英雄

段橋春泛

西湖春色正芳菲有客來遊興感微花對金樽常帶笑鳥
聽檀板不驚飛迎來桃葉桃初放載得柳枝柳正肥如此

韶華兼名勝夕陽倚權欲忘歸

湖上偶成

好不負芳春鶯花結隊新柳陰騎馬路簫韻倚樓人訪古
多陳迹看山亦夙因笑儂好游冶終日此湖濱

三月二十日客中作

好春將去未還家逐逐輪蹄感歲華卽此馬頭三日雨料
應落盡故園花

春郊書事

隱約山鄉接水鄉一鳩嘯處一垂楊蠶眠時節村村靜麥
熟田家日日忙紫陌花飛春又暮綠窗人倦晝初長笑儂
雪蕉齋詩鈔卷三
自是忘機侶吟罷新詩已夕陽

咏蠶

莫謂蠕蠕一寸躬經綸展布正無窮採桑有婦能供職補
衮何人敢論功我已自家成杼柚誰將此腹笑虛空須知
春蚓秋蛇外衣被蒼生是此蟲

嫁娉婷

有序

娉婷徐姓瑞安人年十一鬻予爲女奴性聰慧綽
約多姿態比長有依主而終焉之志余貧無以養
且義不可留爲擇配嫁之娉婷臨行泣下噫余非
蕭穎士豈其戀戀於才卿如楊柳枝大有依依之

態余爲黯然遂不覺情見乎詞

居然首飾尚瓊華猶憶入門兩髻丫辛苦十年曾種玉留連三日爲移花此情似嫁親生女何日重歸舊主家自愧香山貧莫措遣將樊素悔多差

讀楊忠愍公奏疏

效忠豈必待言官員外居然戴雉冠一鶚獨鳴翻定案馬指疏百鸞何憚効權奸當時杖下心難白此日行間血尙丹我亦如公激時事讀餘能不廢書歎

兒生七日而殤詩以悼之

七日曾傳第一關醫家言病係臍風是小兒第一關小兒命數抑何慳豈

雪蕉齋詩鈔

卷三

十三

真了了去來際其奈匆匆父子間母燕巢空猶自伏神龍珠失幾時還可憐我抱鄧攸痛四度虛花詎等閒

兒既殤作此以示家人

骨肉何曾定到頭偶隨緣散便難留昨朝大塊風吹聚今日長溝水別流黃土搏形何代始青山埋骨幾時休爲言若輩傷情者浮世原來是一漚

歎逝

風雨窮廬歎索居春歸花落感歔傷心月下聞鄰笛數年

來陸瀛士周仲梅曾子麟顏東川諸友皆下世含泪燈前讀父書絳帳恩深人已杳陳範山周勳農兄仙槎三夫子亦青箱業在子猶虛此身未免傷孤特慚愧人前百不如

村居

爲士爲農莫認真竹籬茅舍且安身閉門終日謝生客開
卷常時逢古人秋雨泥鬆添種菜春江水活好垂綸村居
樂事原無限何必桃源說避秦

答人問村居

問我村居何所事閒中却帶幾分忙睡餘展帖臨三頁興
到攤書讀數行命僕攜鋤種花藥逢人拄杖話農桑日長
如歲難消遣疊石還堆山一房

問我村居何所與人皆平等物皆齊吟秋以竹爲同調卧
雪將梅作韻妻混迹漁樵時款款忘機鷗鷺共栖栖除他
雪蕉齋詩鈔

卷三

三

丙相兼銅臭販婦傭奴盡品題

問我村居何所得之自己不關求讀書放眼空千古借
酒澆胸散百憂詩思春深隨物化琴心夜靜與天游其餘
非分皆蛇足早已中懷一筆鈎

憶舊

逢人爭喚柘枝顛金縷風光錦瑟年狂入樊川詩句裏夢
回卓氏酒鑪邊一場歌舞月沈早四季光陰春去先惆悵
今宵重相憶白雲遺跡半茫然

偶興

偶因行藥出林扉望望前峯正落暉牧豎屢從坡上散漁

翁遠向柳陰歸煙和紫翠山光媚風度笙簧鳥語微時覺
眼前詩境好那禁吟興爲遊飛

題陳竹生笙竹裏烹茶圖

萬个綠瓏玲瓶笙靜可聽風情託司馬火候問樵青社爲
吟詩結門緣避俗扁主人信清絕飲罷定通靈

尋梅

無定曾傳萼綠華山之隈曲水之涯昨經東閣評詩地幾
過前村賣酒家殘雪蹇驢橋獨木夕陽荒寺路三义頓時
得見一枝好却悟前身卽此花

元旦和衲覺來除夕詠懷

雪蕉齋詩鈔

卷三

古

欲和高歌夜脩晨自憐三十尙閒身蹉跎吾輩空除歲檢
點人間昨到春十二月廿七日立春累在周妻原近俗吟餘島佛莫
嫌貧年來磨鐵穿猶未何似蒲團坐破人

元夕觀燈葉慧仙菁菽昆季邀飲

莫問金吾夜若何六鼇山畔乍經過燈光出屋亂星斗花
氣撩人紛綺羅綠酒相邀今夕好青衿無恙故交多樽前
聚散吾猶是傀儡登場漫笑他

適裝傀儡戲

夜遊

看花明日愁花落一落直須明歲開明歲得知誰健在且
從今夜夜遊來

秋夜感懷亡婦

爲憶當時新結褵鏡鸞鳳久差池三生石上難重見五
夜燈前有所思白首他年期已渺黃花明日泪先滋卒於九月
十二日秋風應到泉臺早冷煖年來須自知

過杭州

春山蒼翠濃於染秋水芙蓉艷欲流每憶西湖當着句自
攜吟筆過杭州

湖心亭小酌

湖心亭子水當中八面玲瓏眼界空山翠晴開千嶂畫荷
花涼颭一欄風清游何必攜紅袖狂飲真堪倒碧筒醉指
雪蕉齋詩鈔卷三

五

酡顏各相笑笑芙蓉剛映夕陽紅

赴試杭州聞梅蓉仙熙元詠音詩以哭之

橐筆餘杭枕未安故山花落太無端信偕東浙潮來準魄
逐西湖月共殘時八月十七日天際志摧黃鵠遠客邊泪灑黑貂
寒自慚蘇季成枯槁持面歸來一見難

靈耗飛傳那當真幾回疑是別來身君方地下爲新鬼我
尙天涯憶故人結騎已虛前度約讀書願締再生因草廬
幾許青燈味一度追思一愴神

歲逢庚子日初斜梅福仙游去倏遐死有明徵歸淨土病革
時自言將歸戴山去且聞空中環珮之聲生無成局歎虛花支離白髮親猶在

憔悴朱顏婦忽鬢此去君應難瞑目蓉城雖好忍忘家
臨風玉樹竟摧殘到此知心愈覺難陳榻昔曾緣我設牙
琴今復向誰彈入門空撫棺三尺遺札猶加飯一餐強爲
招魂寫詩句墨花和泪落臺端

鄉試歸途作

半挑書籠半提籃三五相邀出鳳山關吏敢嫌行李重明
朝奉旨是開關

雇船花色要鮮妍喜聽稱呼在榜前一笑相逢諸姊妹先
從艙底會同年

江山船娘有同年姊妹同年
姊妹稱又謂之花色船

相逢姊妹正華年勸飲雙雙綺席前飲罷順風一杯酒晚

雪蕉齋詩鈔

卷三

六

妝紅比曉妝妍

開船飲酒
名順風酒

安穩歸帆趁曉開笑儂原是熱中來篷窗一縷清風起知
是舟行近釣臺

舵樓望月正思家窗外風吹蘆荻花如此秋聲聽不得那
堪水上又琵琶

歸客腰間每乏纏船規無奈例相沿船娘花粉銀纜去又
被船夫索酒錢

括蒼三日記郵籤去去桃花上嶺尖爲看沿途山色好故
教終日揭兜簾

舊游重訪渺如煙黃碧街頭酒店前我比崔郎倍惆悵桃

花人面兩茫然

連日行程苦雨纏秋光好是乍晴天客窗莫怪無詩料一

桁青山落枕邊

荆坑桃洞舊曾經今日重來感涕零如此煙嵐如此樹惜

無人譜入丹青

余兄孟棠工畫山水
曾同赴試今已逝世

巖泉地名巖下出流泉靜夜泉聲攪客眠我已七回來聽此

曷禁流水感華年

石門飛瀑兩崖懸中有人曾比賚賢一望出山雲莽莽許

多霖雨想當年

九日登東山懷謝康樂

雪蕉齋詩鈔

卷三

七

秋色倍精神秋高景益真城霞烘屐齒山翠列杯脣是日
誠佳日斯人信可人不知詩夢後池草幾回春

十一月初四日爾兒生

熊羆兆已應吾家客賀添丁喜莫加面目乍看全似母長
成但望勝於翁嬌曉敢擬清聲鳳癡想時懸反哺鴉從此
瑤環勤護惜春風容易長蘭芽

自述

我是飛花墮溷身天懷駘宕性情真愛持寶劍酬豪俠親
製香詞贈美人曹氏千倉纔是富相如四壁未爲貧祇因
唐突閒風月却被人疵舊席珍

鸚鵡

生來慧性固無儔，却被雕籠因作囚。悟主有心驚折翼，惱人多事喚梳頭。須知文彩爲身累，莫倚聰明弄舌柔。不信但看才士輩，每因言語自招尤。

鴛鴦

鳥中嘉偶兩相憐，翠鬣紅毛戲水邊。飛亦回頭頻顧戀，睡尤交頸劇纏綿。漁郎掉漿驚難散，思婦停針繡未全。却笑唐宮盟比翼，何曾心似此禽堅。

幽居

春盡倦登臨，幽居趣轉深。落紅三日雨，新綠半天陰。愛竹雪蕉齋詩鈔卷三 六
留青眼看蘭，愜素心。夕陽無限思，倚樹一長吟。

遣愁

痛向花前飲滿杯，百年懷抱幾曾開。春愁梅雨紛無緒，曉夢梨雲亂作堆。事已蹉跎空自悔，詩多寄托任人猜。憑誰打破情魔障，每日維摩禮一回。

春暮訪友

萬竿修竹一房山，幾度尋君自往還。想是幽人貪覓句，落紅滿地未開關。

南塘

一路野人家，家家傍水涯。瓜棚皆縛竹，茅店半遮花。市近

便沾酒水清堪浣紗羨他西向屋煖受夕陽斜

夏日雜詠

賞春枉費買春錢交夏園林景變遷紅兩欄斑花滿地綠
雲破碎竹參天

自從吹過棟花風幾樹櫻桃已着紅蝴蝶不知春去久雙
雙猶戲蕙蘭叢

雜樹扶疏繞室隅窗前恰喜綠陰鋪朝來爲有臨池興却
割芭蕉一兩株

忽忽清和節已過薰風漾動碧池荷午窗莫怪青蠅集此
輩由來附熱多

雪蕉齋詩鈔

卷三

七

幾番打算避炎威分付兒童掩竹扉剪取蒲葵教製扇摘
將荷芰好裁衣

由來真味出田家我亦從今悔業差講學談文都嚼蠟愛
聽野老話桑麻

我除抄句百無能枯坐常如入定僧夜久貪涼窗未掩草
蟲撲滅讀書燈

曉窗覓句正吟哦忽報敲門有客過何物世間襪襪子敗
人詩興是他多

貧中偶述

年來典質計何乖典券紛紛亦忘懷歲久不知成廢紙孟

光猶念舊金釵

夜深孤坐聳吟肩曉起薰鹽仍缺然笑我閒吟詩滿篋詩多不值一文錢

春閨次周光威十二韻

璇閨自昔人多麗天氣剛逢三月三驟煖桃花裁小扇乍晴杏子試輕衫翠偷柳樣眉初畫脂暈櫻痕口半銜拂袖和風跳喜子沾衣細雨種宜男妝成綺閣回頭媚浴罷溫泉顧影慙偶逐香肌蜂繚繞竊聽私語燕呢喃憐雙飛蝶遲遲撲折合歡花故故簪臥覺釵斜眠未穩喜憑鏡卜笑微含容顏妖冶防人妒心性嬌癡諒堵諳歌曲分明紅豆雪蕉齋詩鈔卷三

干

紀夢

朗徹天門夜不扃仙風吹下玉璫聲自騎鶴背吹笙和飛過千峯月正明

咏淡巴菴

味外無端有味滋教人怎不酷相思辣如薑桂性難改清比芝蘭氣乍吹騷客沈吟支几候美人停繡倚窗時要知呼吸通靈處酒聖茶仙未易窺

淮陰侯

天教女子困英雄悔不當初信蒯通若使九原逢項羽定
應羞煞舊郎中

當年垂釣向淮濱操縱魚兒術甚神豈料漢高尤善釣侯
王爲餌醢君身

將兵在把陣圖開將將誰知別有才安處忽危生處死又
翻兵法破空來

智勇雖多百將功將才難與相才同追之拜將給之斬只
在蕭何掌握中

王昭君

不肯將金賄畫工美人此處是英雄須知志在和戎虜爲

雪蕉齋詩鈔

卷三

三

國何曾計藐躬

謁孤嶼文信國公祠

丞相祠前古木寒夜深風雨泣忠肝百年事業捐軀易半
壁江山設鎮難柴市至今留碧血故鄉何處著黃冠孤臣
浩氣隨潮湧此真千秋卓大觀

山行偶述

白雲遮斷路三叉飛瀑風飄落石斜知是山中昨夜雨溪
流漂出杜鵑花

山齋夏日有感

暑氣那能傷心清愈覺涼荷香風共遠書味日俱長蠅有

汚難避鳩宜拙自藏深林一蟬噪誰悟有螿蝦

新竹示兩兒

一竿軟弱葉尖新繞砌行看日幾巡珍重生初須保護柯
亭原是在此時身

茉莉

花花點綴自分明十里山塘雨乍晴映月娟娟憐小玉臨
風颭颭賽飛瓊清香不礙垂簾久弱質偏宜插鬢輕剛好
晚涼開似雪翩翩雙蝶最關情

讀書有感

永夜青燈破睡魔男兒事業未蹉跎眼光上下千年攬曾

雪蕉齋詩鈔

卷三

三

次乾坤萬象羅老尚丹黃從我好貴邀朱紫任人多行藏
漫笑同蟬蠹不爾今生幾枉過

南面居然擁百城便封萬戶也能輕神仙福命聰明絕豪
傑工夫意氣平伊昔偏難留種子至今誰不爲科名獨慙
武子貧如故囊盡螢光業未成

冬晴

天晴難得是嚴冬好景真疑意外逢風暖綠抽千頃麥雪
消青露數尖峯負暄簷下無寒土獻曝田間有老農此際
賞心多樂事梅花開到酒初濃

新华书店
2
15

